



# Deddf Llywodraeth Leol ac Etholiadau (Cymru) 2021

2021 dsc 1

**RHAN 7**

UNO AC AILSTRWYTHURO PRIF ARDALOEDD

**PENNOD 1**

UNO PRIF ARDALOEDD YN WIRFODDOL

*Rheoliadau uno*

## **126 Y system bleidleisio**

- (1) Rhaid i'r rheoliadau uno bennu a yw'r system bleidleisio sy'n gymwys i'r etholiad cyffredin cyntaf ar gyfer cynghorwyr i'r prif gyngor ar gyfer y brif ardal newydd i fod—
  - (a) y system mwyafrif syml y darperir ar ei chyfer gan reolau a wneir, neu sy'n cael effaith fel pe baent wedi cael eu gwneud, o dan adran 36A o Ddeddf 1983, neu
  - (b) y system pleidlais sengl drosglwyddadwy y darperir ar ei chyfer gan reolau a wneir o dan adran 36A o Ddeddf 1983.
- (2) Mewn perthynas â'r system bleidleisio a bennir yn y rheoliadau uno—
  - (a) rhaid iddi fod y system bleidleisio y cytunir arni gan y cynghorau sy'n uno, neu
  - (b) os na cheir cytundeb—
    - (i) rhaid iddi fod y system bleidleisio a ddefnyddir yn y ddau gyngor sy'n uno, neu pan fo tri chngor neu ragor yn uno, yn yr holl gynghorau sy'n uno neu yn y mwyafrif ohonynt, yn union cyn dyddiad y cais, neu

---

**Statws** *This is the original version (as it was originally enacted).*

---

- (ii) os nad oedd y naill na'r llall o'r ddau gyngor sy'n uno, neu (pan fo tri chyngor neu ragor yn uno) os nad oedd y mwyafrif o'r cynghorau sy'n uno, yn defnyddio'r un system bleidleisio yn union cyn dyddiad y cais, rhaid iddi fod y system bleidleisio a bennir gan Weinidogion Cymru ar ôl ymgynghori â'r cynghorau sy'n uno.
- (3) Yn is-adran (2)(b), ystyr “dyddiad y cais” yw'r dyddiad y gwneir y cais i uno.
- (4) Os gwneir cais i uno cyn i adran 7 ddod i rym—
- (a) nid yw is-adrannau (1) a (2) o'r adran hon yn gymwys mewn perthynas â'r rheoliadau uno sy'n ymwneud â'r cais, a
  - (b) rhaid i'r rheoliadau hynny ddarparu, os yw adran 7 mewn grym ar ddiwrnod yr etholiad cyffredin cyntaf ar gyfer cynghorwyr i'r prif gyngor ar gyfer y brif ardal newydd, bod y system mwyafrif syml yn gymwys i'r etholiad hwnnw.